

իցէ՝ 'ի կողմանէ Յունաց և Լատինաց՝ բարձցէ և ուղղեսցէ զայնս ածելով յառաջին վիճակն, սակայն չեգիտ վնասակար ինչ։ Եւ ընթեռնուել զգիրն Յունաց՝ զոր բերեալն էր 'ի դատարանի առաջի խուռն բազմութեան, առէ, Տէրութիւնն յատկապէս ետ գրել զայսոսիկ տողս 'ի պաշտպանութիւն Հայոց, զի մի՛ պատճառանօք հակառակեսցին նոցա։ Ընդ այս բան անչափս ուրախացաւ Փոխանորդն Հայոց՝ որ նստէր 'ի ժողովի անդ։ Յայս գործ բազմօք աշխատ եղէն 'ի կայսերանիստ քաղաքի անդ՝ Պետրոս և Ղազարոս Իշխանաւորք ազգին, յորդորանօք Գրիգոր վարդապետի Փոխանորդին Երուսաղէմի։ զի զառաջին հրովարտակն Յունաց ետուն պատառել Հայք՝ և գերկորդս այս, եբեր ոստիկանն՝ յորոյ վերայ զիջան Յոյնք սահաւ ինչ 'ի կամս Հայոց, և սկսան ընկերութեամբ վարիլ 'ի գերեզման Ս. Աստուածածնի, զի 'ի չորեքշաբաթի Հայք 'ի վերայ գերեզմանին, Յոյնք 'ի վերայ գերեզմանաց Յովակիմայ և Աննայի, 'ի Կիւրակէի Հայք 'ի սեփական սեղանն արտաքոյ գերեզմանին, Յոյնք 'ի ներքին կողմն յարեւելս 'ի տեղիս իւրեանց պատարագէին։ Եւ յետ կարգաւորելոյ զայս ամենայն՝ դարձաւ ոստիկանն 'ի Կոստանդինուպոլիս, զորմէ Հայք գովութեամբ գրեն, (1758. 'ի 25 Հոկտեմբեր ամսոյ)։



Գ Լ Ո Ւ Խ Ժ .

Բռնութիւնք այլազգեաց։ Տառապանք վանօրէից յերեսոց Կուսակալացն Գամսակոսի։ Ապոստամբութիւն Բեթղէհէմ գիւղի։ Ալեքլն կտակ Թէ ոգորոսի և մահ նորին։

ԹԵՌԴՈՐՈՍ Պատրիարք հազիւ ուրեմն զերծեալ 'ի խռովութեանց Ս. Տեղեաց, յորս յետ բազմադիմի աշխատութեանց, ծախեցան նաեւ քսակք դրամոց, ապա ձեռն արկ նորոգել զմանս 'ի վանօրէից։ Իսկ այլազգիք Երուսաղէմի բռնացան 'ի վերայ նորա, և պատճառանօք պահանջէին 'ի նմանէ զգումարս դրամոց։ Երբեմն իբրու թէ առանց հրամանի շինեալ են, և երբեմն թէ՛ պարտ է վե-